



SSV
Samtök sveitarfélaga
á Vesturlandi

135 fundur stjórnar SSV

Fundur haldinn í stjórn SSV, miðvikudaginn 24 janúar 2018 kl. 10.00 að Bjarnabraut 8 í Borgarnesi

Mætt voru; Raket Óskarsdóttir, Geirlaug Jóhannsdóttir, Guðveig Eyglóardóttir, Árni Hjörleifsson, Eyþór Garðarsson, Hafdís Bjarnadóttir, Eggert Kjartansson, Hilmar Hallvarðsson og Björn H Hilmarsson.

Stefán Ármannsson og Valgarður Jónsson boðuðu forföll og Ingveldur Guðmundsdóttir boðaði forföll vegna ófærðar .

Einnig sátu fundinn þau Páll Snævar Brynjarsson og Hrefna B. Jónsdóttir sem ritaði fundargerð

Raket Óskarsdóttir, formaður SSV, setti fund kl. 10.00

1. Framlögð fundargerð frá 134 fundi stjórnar SSV.

Formaður lagði fram fundargerð frá 134 fundi stjórnar SSV til staðfestingar. Fundargerðin var staðfest.

2. Almenningsamgöngur

a. Lagt fram yfirlit yfir rekstur almenningsamgangna árið 2017

Framkvæmdastjóri lagði fram yfirlit yfir rekstur almenningsamgangna árið 2017.

Í máli hans kom fram að áætlað tap á rekstrinum er um 11 m.kr., en viðræður eru í gangi við Strætó bs. um uppgjör vegna þjónustugjalda sem gæti dregið úr kostnaði auk þess sem eftir er að gera upp við Eyþing vegna arðs af leið 57 sem er fyrirfram greiddur og tekur mið af rekstri ársins 2016 sem var mun hagstæðari en árið 2017. Þá greindi hann frá því að N1 hefur óskað eftir því að fá greidda þóknun vegna sölu á miðum í Strætó. Rætt var um aðrar mögulegar leiðir varðandi miðasölu þar eða reksturinn þolir illa viðbótarkostnað.

Framkvæmdastjóra falið að vinna áfram að málinu og upplýsa stjórnarmenn á næsta fundi.

3. Uppbyggingarsjóður Vesturlands

Staðfesting á skipan úthlutunarnefndar og fagraðs Uppbyggingarsjóðs Vesturlands, en allir þeir aðilar sem stjórn samþykkti að fela framkvæmdastjóra að leita til varðandi setu í úthlutunarnefnd og fargráði hafa samþykkt að taka sæti. Þeir aðilar eru:

Uppbyggingarsjóður Vesturlands:

Sigríður Finsen, framkvæmdastjóri Grundarfirði.

Jóhannes Haukur Hauksson, oddviti og slökkviliðsstjóri Búðardal.

Sigrún Lilja Einarsdóttir, forseti félagsvísinda- og lagadeildar Háskólans á Bifröst.

Helena Guttormsdóttir, brautarstjóri umhverfis- og skipulagssvið á Hvanneyri

Brynjar S Sigurðsson, framkvæmdastjóri Laxárþakka.
Formaður verður Helena Guttormsdóttir.

Fagráð Uppbyggingarsjóðs.

Helga Guðjónsdóttir, framkvæmdastjóri Ólafsvík.

Linda B Pálsdóttir, fjármálastjóri Hvalfjarðarsveitar

Trausti Gylfason öryggisstjóri Norðuráli.

Sveinn Arnar Sæmundsson, organisti Akranesi.

Ragnheiður Valdimarsdóttir, formaður menningarmálanefndar Stykkishólms

Guðný Dóra Gestsdóttir, safnastjóri Gljúfrasteins, Hvanneyri

Formaður verður Helga Guðjónsdóttir.

4. Sóknaráætlun Vesturlands

Lögð fram endurskoðuð drög að áhersluverkefnum Sóknaráætlunar Vesturlands fyrir árið 2018. Fram kom að Stýrihópur stjórnarráðsins um byggðamál leggur aukna áherslu á að markmið og árangursmælikvarðar verkefna séu skýr og greinargóð. Rætt var um fjárveitingar til verkefna og til uppbyggingarsjóðs. Samkvæmt fjárhagsáætlun SSV var samþykkt á Haustþingi 2017 að leggja 58 m.kr. til uppbyggingarsjóðs og 28.6 m.kr. til áhersluverkefna. Framkvæmdastjóra var falið að vinna áfram að verkefnunum, en frestur til að skila þeim til Stýrihóps stjórnarráðsins er til 19 mars n.k.

5. Velferðarstefna Vesturlands

Lögð fram drög að erindisbréfi fyrir vinnuhóp um velferðarstefnu Vesturlands, en samþykkt var á stjórnarfundi 10. október að hefja vinnu við velferðarstefnu. Stjórn samþykkti erindisbréfið og skipaði þær Raket Óskarsdóttur og Hafðisi Bjarnadóttur sem fulltrúa SSV í vinnuhópinn.

Þá var rætt um fjárveitingar til búnaðar hjá Heilbrigðisstofnun Vesturlands og ákvað stjórn að bóka eftirfarandi:

Stjórn SSV fagnar því að veitt var 200 m.kr. á fjárlögum 2018 til tækjakaupa við sjúkrahús og heilsugæslustöðvar á landsbyggðinni. Eftir sem áður vill stjórn áréttta bókun frá fundi sínum 4 október s.l. þar sem sagði „Stjórn SSV skorar á ríkisvaldið að tryggja fjármagn til að endurnýja og efla tækjakost sjúkrahúsanna á Akranesi og í Stykkishólmi sem og á heilsugæslustöðvum á Vesturlandi. Vegna niðurskurðar og takmarkaðra fjárveitinga til tækjakaupa síðastliðin ár, er uppsöfnuð þörf á viðhaldi og endurnýjun búnaðar orðin mjög aðkallandi. Mikilvægt er að örugg tæki og búnaður séu til staðar á sjúkrahúsunum og heilsugæslustöðum á Vesturlandi svo hægt sé að sinna þeirri þjónustu sem þar er til staðar. Þá er ljóst að betri tækjakostur mun auka verulega líkurnar á því að hægt sé að ráða fagfólk til starfa við stofnunina, en viðvarandi skortur hefur verið á fagfólki undanfarið.“

6. Fjármálaáætlun ríkisins

Rætt um vinnu SSV varðandi fjármálaáætlun ríkisins, en ný lög um áætlunina gera ráð fyrir samráði við sveitarfélög og landshlutasamtök.

Framkvæmdastjóri lagði fram minnisblað sem byggði á erindi sem Haraldur Benediktsson fv. formaður fjárlaganefndar og núverandi varaformaður nefndarinnar flutti á Haustþingi SSV 2017. Í erindi Haraldar var lögð áhersla á aukið samráð sveitarfélaga við stjórnvöld, aukið samráð og ákveðnar breytingar á samstarfi þingmanna og sveitarstjórnarmanna, auk þess sem hann mælti með því að landshlutasamtökin kæmu fram sem fulltrúar sveitarfélaga á sínum svæðum í þessari vinnu. Ef þessi leið er farin þá kallar þetta á aukna vinnu af hálfu landshlutasamtaka við að rýna fjármálaáætlun og taka saman upplýsingar um stöðu hag- og byggðapróunar í landshlutunum.

Stjórn samþykkti að SSV tæki þetta hlutverk að sér og fól framkvæmdastjóra að kynna þessar hugmyndir fyrir sveitarfélögunum á Vesturlandi.

7. Brú lífeyrissjóður

Lögð fram drög að samkomulagi á milli Brúar lífeyrissjóðs og SSV um uppgjör. Jafnframt er lagt fram minnisblað frá framkvæmdastjóra um samkomulagið. Skuld okkar við sjóðinn er 14,8 m.kr. Samþykkt að SSV greiði skuldina og framkvæmdastjóra og fjármálastjóra falið að finna út úr því hvernig greiðsluskilmálum verði háttað.

8. Atvinnuráðgjöf SSV

Lagður fram samningur á milli Byggðastofnunar og SSV um helstu verkefni og fjármögnun á starfsemi atvinnuráðgjafar SSV. Samningurinn var undirritaður 23. janúar sl. í Þjóðmenningarhúsinu og var ráðherra viðstaddur. Samningurinn byggir á sömu forsendum og áður en er ítarlegri en fyrri samningur og felur í sér aukna áherslu á starfsáætlun, markmið og árangursmælikvarða. Stjórn staðfesti samninginn.

9. Samgöngumál

a. Ályktun Akraneskaupstaðar um vegabætur á Kjalarnesi

Lögð fram ályktun Akraneskaupstaðar um vegabætur á Þjóðvegi 1 á Kjalarnesi, auk þess rætt um framgang Samgönguáætlunar Vesturlands. Stjórn SSV samþykkir að taka undir áskorun bæjarstjórnar Akraness þar sem fjallað er um ástand vega á Kjalarnesi. Stjórn SSV ræddi málið og bókaði:

Stjórn Samtaka sveitarfélaga á Vesturlandi tekur undir málflutning þeirra aðila sem hafa vakið athygli á ástandi Vesturlandsvegar á Kjalarnesi og nauðsyn á tvöföldun vegarins. Stjórn Samtaka sveitarfélaga á Vesturlandi áréttar bókun sína frá Haustþingi 2017 þar sem segir um Vesturlandsveg „ Tvöföldun vegar á Kjalarnesi er óhjákvæmileg framkvæmd vegna aukinnar umferðar og öryggis vegfarenda m.a. vegna fjölgunar ferðamanna. Samkvæmt vegáætlun á verkefnið að hefjast árið 2018 og er nauðsynlegt að svo verði. Þá er mikilvægt að hefja nú þegar undirbúning að veglínu og framkvæmdaáætlun um endurbætur á Þjóðvegi 1 um Hvalfjarðarsveit í Borgarnes. Því skorar Haustþingi SSV 2017 á stjórnvöld að hefja þegar í stað vinnu við tvöföldun vegar frá Reykjavík í Borgarnes og að framkvæmdum verði lokið á næstu átta árum

Áætlun um uppbyggingu tengivega. Stjórn samþykkti að óska eftir því við forstöðumann Vegagerðarinnar á Vestursvæði að skipaður verði sameiginlegur vinnuhópur SSV og Vegagerðarinnar þar sem farið verði í vinnu við forgangs röðun framkvæmda við tengivegi á Vesturlandi og skoðað sérstaklega hvernig megi nýta fjármuni sem fari til tengivega þannig að sem flestir kílómetrar fái fyrir fjármunina.

Þjóðvegur 54 – Snæfellsnesvegur:

Á árinu 2017 lét Vegagerðin gera úttekt á því hvernig mætti bæta öryggi við þjóðveg 1 á Vesturlandi með tillit til aukinnar umferðar ferðamanna. Úttektinni fylgdi síðan tillaga að aðgerðaráætlun. Stjórn SSV skorar á Vegagerðina að láta framkvæma sambærilega úttekt á vegi 54, Snæfellsnesvegi.

10. Ný persónuverndarlög

Rætt um innleiðingu nýrra persónuverndarlaga hjá SSV og mögulega aðkomu SSV að kynningu og innleiðingu þeirra hjá sveitarfélögum á Vesturlandi. Lagt var til að SSV leiti til Sambands íslenskra sveitarfélaga og óski eftir því að lögfræðingar þeirra haldi námskeið fyrir starfsfólk sveitarfélaga á Vesturlandi um innleiðingu nýrra persónuverndarlaga. Samþykkt.

11. Lögreglusamþykkt fyrir Vesturland

Framlögð erindi frá Dalabyggð, Snæfellsbæ og Stykkishólmsbæ þar sem SSV er hvatt til þess að boða sveitarfélögin á Vesturlandi til fundar um hvort æskilegt sé að unnin verði ein lögreglusamþykkt fyrir Vesturland. Samþykkt og framkvæmdastjóra falið að boða til fundar.

Undir þessum lið var rætt um almannavarnarkerfið á Vesturlandi og möguleika þess að stofna eina nefnd fyrir Vesturland.

12. Vesturlandsstofa (Markaðsstofa Vesturlands)

Kristján Guðmundsson, forstöðumaður Vesturlandsstofu, hefur sagt starfi sínu lausu og mun hann láta af störfum 28 febrúar n.k. Auglýst hefur verið eftir nýjum forstöðumanni og heldur Hagvangur utan um ráðningarferlið. Alls bárust 30 umsóknir til Hagvangs sem vinnur nú úr umsóknunum.

13. Framlögð mál

- a. Lagt fram yfirlit frá framkvæmdastjóra um fundi sem hann hefur sótt í desember og janúar. Páll fór yfir fundina. Þá kynnti hann að forsætisnefnd sænska þingsins myndi heimsækja skrifstofu SSV föstudaginn 2 febrúar og hlýða á fyrirlestra um málefni sveitarfélaga og byggðamál á Íslandi.
- b. **Aukafundur stjórnar og næsti stjórnarfundur.**
Samþykkt að halda aukafund í stjórn SSV 21. febrúar n.k., en á þeim fundi verður rætt um stefnumótun SSV og verkefnið „Efling sveitarstjórnarstigsins“. Næsti almenni fundur verður 7. mars n.k.

Fundi slitið kl. 12:15. HBJ